



Broj: 11-01-388-1/19

Mostar, 22.03.2019.god.

Na osnovu člana 14. stav. (1), člana 18. stav (1), člana 81. stav (2), člana 88. i 89. Zakona o javnim nabavama Bosne i Hercegovine ("Službeni glasnik BiH", broj 39/14), Odluke o odobravanju utroška novčanih sredstava utvrđenih Budžetom HNK za 2019.godinu za Ministarstvo poljoprivrede, šumarstva i vodoprivrede s pozicije "Subvencije za veterinarstvo" donesene od strane Vlade HNK dana 12.09.2019.godine pod brojem: 01-1-02-451/19 i člana 55. Zakona o organizaciji uprave HNK/Ž ("Službene novine HNK", broj 09/09) Ministar poljoprivrede, šumarstva i vodoprivrede donosi:

ODLUKU

o pokretanju postupka javne nabavke

Konkurentski zahtjev za dostavljanje ponuda broj: 2/19

- usluge : „Dijagnostika bolesti pčelinjih zajednica 2019“ -

Član 1.

Odobrava se pokretanje postupka javne nabave usluge: „Dijagnostika bolesti pčelinjih zajednica 2019“.

Član 2.

Procjenjena vrijednost javne nabave sa PDV-om iznosi 35.000,00 KM (bez PDV-a 29.914,50 KM).

Član 3.

Finansijska sredstva za realizaciju ove Odluke osigurana su Odlukom o odobravanju utroška novčanih sredstava utvrđenih Budžetom HNK za 2019.godinu za Ministarstvo poljoprivrede, šumarstva i vodoprivrede s pozicije "Subvencije za veterinarstvo" donesene od strane Vlade HNK dana 12.03.2019.god. pod brojem: 01-1-02-451/19.

Član 4.

Postupak nabavke će se provesti u skladu sa odredbama Zakona o javnim nabavkama Bosne i Hercegovine ("Službeni glasnik BiH", broj 39/14) za postupak konkurentskog zahtjeva.

Član 5.

Evidencijski broj javne nabave je USLUGE 18 i utvrđen je u Planu javnih nabavki Ministarstva poljoprivrede, šumarstva i vodoprivrede.

Član 6.

Postupak javne nabavke provest će Komisija za javnu nabavku koju je imenovao ministar PŠV HNK Rješenjem broj:11-01-02-175/19 od 13.02.2019.godine.

Član 7.

Kod provođenja postupka nabave koristit će se kriterij ekonomski najpovoljnije ponude.

Član 8.

Ova Odluka stupa na snagu danom donošenja.

O b r a z l o ž e n j e

U svrhu zaštite zdravlja životinja, a na osnovu podataka dobivenih od pčelara sa područja HNK/Ž uočena je pojava bakteriološko-parazitarnih bolesti pčela – s prevalencijom američke gnjiloće pčelinjeg legla. U skladu sa članom 6. i članom 7. stav 2. i 3. Zakona o veterinarstvu FBiH “Službene novine FBiH” broj: 46/00) predviđeno je i planirano subvencioniranje troškova za preventivne i dijagnostičke mjere na suzbijanju i iskorjenjivanju zaraznih bolesti pčela, koje su od interesa za županiju/kanton.

U skladu sa članom 124. stav 2. Zakona o veterinarstvu F BiH predviđena sredstva koristit će se za podmirivanje troškova za prevenciju, suzbijanje i iskorjenjivanje zaraznih bolesti pčela. Važećim pravilnicima iz oblasti zaštite zdravlja pčela i njihovih proizvoda propisano je da dijagnostičkom-laboratorijskom ispitivanju u ovlaštenim laboratorijima podliježu sve pčelinje zajednice za koje se posumnja da su zaražene na Američku gnjiloću.

U narednom periodu tokom proljeća i jeseni, provode se klinički pregledi pčelinjih zajednica radi uzimanja uzoraka i vršenja laboratorijske pretrage na američku gnjiloću.

Ovlaštena veterinarska institucija, koja bude angažovana od strane Ministarstva, bit će izabrana javnim natječajem, u skladu sa Zakonom o javnim nabavkama BiH, kako bi se što kvalitetnije provele mjere za kontrolu zaraznih i parazitarnih bolesti pčela. Dobiveni rezultati odredit će smjernice za dalje djelovanje u ovoj oblasti.

Vlada HNK/Ž je usvojila Informaciju o preventivnim akcijama suzbijanja zaraza životinja, stanju zaraznih bolesti kod životinja i stanju u veterinarstvu. U Informaciji je konstatirano da je pojava bolesti pčela u ekspanziji, pa zbog toga odlučujemo da se sredstva usmjere na ranu dijagnostiku bolesti pčelinjih legala. U narednom periodu slijedi proljetni i jesenski pregled, a njegovi rezultati dat će pregled zdravstvenog stanja pčelinjih zajednica na području HNK/Ž te odrediti aktivnosti Ministarstva poljoprivrede, šumarstva i vodoprivrede u oblasti sprječavanja, suzbijanja i iskorjenjivanja zaraznih bolesti.

Ministar


Donko Jović

Dostavljeno:

- a/a